



Pretrasi u Sarajevu

Službenici **Državne agencije za istrage i zaštitu (SIPA)** u ponedjeljak su na području Sarajeva, pod nadzorom Tužilaštva BiH, izvršili pretrase stambenih i poslovnih objekata na tri lokacije i tom prilikom privremeno oduzeli određenu poslovnu i finansijsku dokumentaciju. Kako saznajemo, pretrase su dva stana na Ilidži i firma na području opštine Novi Grad.

Pretrasi su izvedeni po naredbi Suda BiH, a u vezi sa pružanjem međunarodne pravne pomoći po zamolnici Saveznog tužilaštva Švicarske, s ciljem prikupljanja dokaza o počinjenim krivičnim djelima: pranje novca, davanje dara

i drugih oblika koristi, prevara i zloupotreba ovlasti u privrednom poslovanju.

Iz **SIPA** i Tužilaštva BiH zbog interesa istrage nisu željeli govoriti koja je firma pretraseena ni ko je njen vlasnik.

“Policijski službenici **SIPA** će privremeno oduzeti dokumentaciju uz izvještaj dostaviti Sudu Bosne i Hercegovine u dalju nadležnost. **SIPA** izražava zahvalnost policijskim službenicima Ministarstva unutrašnjih poslova Kantona Sarajevo na pruženoj pomoći prilikom realizacije navedenih aktivnosti”, saopšteno je iz odsjeka za odnose s javnošću **SIPA**. **D. P.**